



Projekat finansira
Evropska unija



U partnerstvu sa



**GRAD GORAŽDE U PARTNERSTVU SA RAZVOJNIM PROGRAMOM UJEDINJENIH NACIJA RASPISUJE:
JAVNI POZIV ORGANIZACIJAMA CIVILNOG DRUŠTVA/NEVLADINIM ORGANIZACIJAMA
ZA PREDAJU PRIJEDLOGA PROJEKATA
U SKLOPU PROJEKTA REGIONALNI PROGRAM LOKALNE DEMOKRATIJE NA ZAPADNOM BALKANU 2 (ReLOaD2)**

ReLOaD2 je regionalni projekat kojeg finansira **Evropska unija (EU)**, a implementira **Razvojni program Ujedinjenih nacija (UNDP)** u šest zemalja/teritorija Zapadnog Balkana i to: Albanija, Republika Sjeverna Makedonija, Bosna i Hercegovina, Crna Gora, Kosovo*¹ i Srbija.

Grad Goražde i projekat ReLOaD2 pozivaju sve organizacije civilnog društva (OCD) iz Bosne i Hercegovine da dostave prijedloge projekata koji su u skladu sa razvojnim ciljevima grada koji su navedeni u dokumentu Strategija razvoja Grada Goražda za period 2017.g.-2026.g., iz sljedećih prioriternih oblasti:

1.EKOLOGIJA

1.1 Jačanje svijesti kroz edukaciju stanovništva o važnosti zaštite okoliša

2.SOCIJALNA POLITIKA

2.1 Ljudska prava i ravnopravnost spolova

2.2 Socijalno uključivanje i podrška socijalno osjetljivim osobama u pristupu tržišta rada

2.3 Socijalna inkluzija, poboljšanje kvaliteta života i zaštita mentalnog zdravlja lica sa invaliditetom i članova **njihovih** porodica

3.SPORT

3.1 Afirmacija sporta kod djece i mladih

4.KULTURA

4.1 Afirmacija i promocija tradicije i kulturne baštine naroda i nacionalnih manjina

4.2 Očuvanje i promocija materijalnog i nematerijalnog kulturno historijskog naslijeđa

5. MLADI

5.1 Afirmacija omladinskog aktivizma

5.2 Edukacije mladih o poduzetništvu i razvijanje programa samozapošljavanja,

5.3 Neformalno obrazovanje za mlade (kursevi stranih jezika, edukacija iz oblasti likovne umjetnosti i književnosti, fotografije, muzike i informatike)

6. COVID -19

6.1 Unaprijeđenje svakodnevnog života socijalno ugroženih kategorija stanovništva u vrijeme COVID 19.

Iznosi sredstava za odobrene projekte će biti od 10.000,00 KM do 70.000,00 KM. Jedna organizacija civilnog društva može podnijeti više projektnih prijedloga s tim da je maksimalan novčani iznos sredstava koja mogu biti dodijeljena za implementaciju projekata jednoj organizaciji civilnog društva tokom ukupnog trajanja ReLOaD2 projekta 120.000,00 KM.

Grad Goražde i UNDP zadržavaju pravo da ne dodijele sva raspoloživa finansijska sredstva u slučaju da projektni prijedlozi ne zadovoljavaju zadane kriterije.

¹ * Za Evropsku uniju, ovo imenovanje ne dovodi u pitanje stav o statusu i u skladu je sa UNSCR 1244/1999 i Mišljenjem ICJ-a o proglašenju nezavisnosti Kosova. Za UNDP sve reference na Kosovo shvatit će se u kontekstu UN-ove Rezolucije 1244/1999

Dužina trajanja svakog projekta može biti od šest (6) do jedanaest (11) mjeseci. Izabrani projekti se trebaju realizovati u periodu februar 2022. – decembar 2022. godine.

PRAVO UČEŠĆA:

Učešće u ovom javnom pozivu je otvoreno, na jednakim osnovama, za sve formalno registrovane OCD (udruženje/udruuga ili fondacija), u skladu sa važećim zakonskim propisima u Bosni i Hercegovini.

Sve zainteresovane organizacije civilnog društva detaljne informacije o uslovima za apliciranje i kriterijima za finansiranje projekata mogu pronaći u Smjernicama za aplikante u okviru javnog poziva.

PREUZIMANJE DOKUMENTACIJE:

Sve potrebne informacije i elektronska verzija cijelog paketa prijavne dokumentacije može se naći na web stranici: www.ba.undp.org, kao i na web stranici grada: www.gorazde.ba.

Dokumentacija za prijavu na javni poziv za Goražde također se može preuzeti **od 06. decembra 2021. godine do 03. januara 2022. godine**, sa zvanične web stranice Grada Goražda (www.gorazde.ba) ili lično preuzimanjem u USB-a sa svim aplikacionim formama tokom informativnog sastanka „Otvoreni dan“ koji se održava 09. decembra 2021.

INFORMATIVNE SESIJE:

- Za zainteresovane predstavnike OCD planiran je **dvodnevni Trening upravljanja projektnim ciklusom (PCM) koji će biti organizovan u sklopu javnog poziva u periodu od 15-16. decembra 2021. sa početkom u 10,00 sati u Biznis centru Goražde, ulica Seada Sofovića Sofe br.9.** Prijave na trening su otvorene za OCD sa područja Grada Goražda do 13. decembra 2021. godine i primaju se na email adresu: azra.mirvic@live.com.
- Informativni sastanak sa zainteresovanim organizacijama „**Otvoreni dan**“ će biti održan **09. decembra 2021. godine od 11,00 do 12,00 sati u Velikoj sali gradske uprave, ulica Maršala Tita 2, Goražde.** Potencijalni aplikanti će tokom sastanka biti detaljnije upoznati sa pozivom, načinom prijavljivanja, kriterijima, itd.
- Predstavnicima OCD će biti pružena dodatna pomoć konsultanta – mentora. Prvi sastanak sa mentorom će biti organizovan **20. decembra 2021. godine od 11,00 sati u velikoj sali gradske uprave.** Dodatni sastanci koje organizuje mentor sa OCD će se takođe održavati javno, a raspored će, uključujući datum i vrijeme, biti blagovremeno objavljen putem gradske web stranice. U svrhu transparentnosti zapisnici sa održanih sastanaka sa mentorom će biti objavljeni na stranici Grada Goražda. Na ovaj način će se omogućiti da informacije budu dostupne za OCD koje nisu bile u mogućnosti da prisustvuju sastancima sa mentorom.
- Pitanja u vezi sa javnim pozivom se mogu postaviti putem e-mail adrese registry.ba@undp.org sa naznakom za ReLOaD2 projekat. Pitanja se mogu postavljati do **28. decembra 2021. godine.** Odgovori na upite će biti dostavljeni u pisanoj formi unutar tri radna dana od primanja upita.

PREDAJA APLIKACIJA:

Ispunjena aplikacija (sa kompletnom zahtijevanom dokumentacijom) se mora dostaviti **u jednoj elektronskoj kopiji (USB) na kojem je set obavezne i dodatne dokumentacije, plus po jedan primjerak dokumenata koje je potrebno dostaviti u štampanom obliku.** Svi materijali se dostavljaju u zatvorenoj koverti ili paketu preporučenom poštom ili lično tokom radnih dana (ponedjeljak – petak), u periodu od 8 do 15 sati na sljedeću adresu, sa naznakom za ReLOaD2 projekat:

Grad Goražde
Šalter br.1
Ulica Maršala Tita 2
73000 Goražde, Bosna i Hercegovina

Rok za predaju aplikacija je **03. januar 2022. godine, do 15,00 sati.** Aplikacije dostavljene nakon navedenog roka će biti razmatrane jedino u slučaju da poštanski žig ukazuje na datum slanja prije zvaničnog isteka roka.

Vanjska strana koverta mora sadržavati naziv poziva za predaju prijedloga projekata, puno ime i adresu aplikanta, puni naziv projekta i navod **“Ne otvarati prije zvaničnog otvaranja”.**

O primljenoj pošiljci u gradskoj upravi će se voditi uredna evidencija i izdavati potvrde o prijemu.

Rezultati javnog poziva će isključivo biti objavljeni na web stranici UNDP BIH www.ba.undp.org, te na web stranici grada www.gorazde.ba kao i na oglasnoj ploči u zgradi gradske uprave , u roku od 30 radnih dana od zatvaranja javnog poziva. Pismenim putem obavijestiti će se samo organizacije civilnog društva čiji su prijedlozi projekata odabrani za finansiranje.